

## **BASES E CONDICIÓNNS PARA A INSCRICIÓN NO CAMPAMENTO DE VERÁN 2025 - PROGRAMA OUTES CONCILIA**

O Concello de Outes abre o prazo de inscrición desde as 9:00 horas do 28 de abril ás 14:00 horas do 12 de maio para o Campamento de verán 2025 do Programa “Outes Concilia”.

- Regulamento do “Programa Outes Concilia”. Publicado o xoves 27 de agosto de 2020. BOP núm. 139
- Ordenanza reguladora do prezo público pola utilización dos servizos de conciliación da vida laboral e familiar “Outes Concilia”. Publicado o mércores 26 de agosto de 2020. BOP núm. 138

### **CONDICIÓNNS XERAIS**

#### **CRONOGRAMA 2025**

O campamento de verán levarase a cabo durante as vacacións de verán, desde o 23 de xuño, día seguinte ao remate do curso escolar 2024-2025 ata o día anterior ao inicio do curso escolar 2025-2026, podendo as familias elixir as quendas que precisen, quedando distribuídas da seguinte maneira co seu correspondente prezo público, recollido na ordenanza reguladora “Outes Concilia”.

- 1ª QUENDA.- do 23 de xuño ao 5 de xullo (10 días) (30 €)
- 2ª QUENDA.- do 7 ao 18 de xullo (10 días) (40 €)
- 3ª QUENDA.- do 21 de xullo ao 1 de agosto (9 días) (40 €)
- 4ª QUENDA.- do 4 ao 14 de agosto (9 días) (40 €)
- 5ª QUENDA.- do 18 ao 29 de agosto (10 días) (40 €)
- 6ª QUENDA.- do 1 de setembro ao día anterior establecido para o inicio do próximo curso escolar 2025-2026 (30 €)

#### **EXENCIÓNNS E BONIFICACIÓNNS**

As exencións e bonificacións están contempladas no artigo 5 da Ordenanza reguladora do prezo público. Segundo as circunstancias da unidade familiar aplicaranse os seguintes descontos:

##### **1.- Exención:**

A emisión dun Informe Social do departamento de servizos sociais que indique a necesidade do servizo sen que haxa posibilidades económicas para abonar o custo do mesmo conlevará a exención da cota.

##### **2.- Bonificacións:**



Cando asistan ao mesmo servizo varios irmáns de xeito simultáneo, o segundo irmán e sucesivos terán un desconto dun 50%.

## UBICACIÓN E HORARIOS

O campamento de verán desenvolverase nas instalacións do edificio do antigo colexio do Cruceiro de Roo en horario de 8:00 a 16:00 horas. As familias poderán facer uso do servizo en función das súas necesidades permitindo a entrada e saída flexibles. Para un bo desenvolvemento das actividades programadas, recoméndase a aquelas familias quen non vaian a facer uso do horario completo do campamento, incorporarse ao mesmo sobre ás 10:00 h. e saída a partir das 13:30 h. Os menores teñen opción de almorzar e xantar no mesmo, sendo as familias as encargadas de aportar os alimentos, en termos e neveiras.

## DESTINATARIOS

Está dirixido ás familias con menores de 3 anos (escolarizados) a 16 anos. Prazas limitadas.

- 1ª e 6ª QUENDAS.- 40 prazas por quenda
- 2ª, 3ª, 4ª e 5ª QUENDAS.- 60 prazas por quenda

No caso do que as solicitudes superen o número de prazas ofertadas na convocatoria realizarase unha selección das familias por orde de inscrición.

Para a adxudicación das prazas terase en conta a orde dos seguintes criterios conforme ao artigo 8.3 do Regulamento do Programa “Outes Concilia”.

**1º criterio.** Familias con menores empadroados no Concello de Outes

**2º criterio.** Familias que aporten Informe Social que indique a necesidade do servizo en base a circunstancias socioeconómicas e familiares

**3º criterio.** Ser familias monoparentais ou familias numerosas

**4º criterio.** Familias con fillas/os de mulleres vítimas da violencia de xénero

**5º criterio.** Familias nas que algún das/os proxenitores teñan o seu posto de traballo no Concello de Outes

**6º criterio.** Familias doutros concellos cuxos menores disfruten das vacacións neste concello

## FORMA DE PRESENTACIÓN DAS SOLICITUDES

As solicitudes de inscrición, renuncia e devolución do prezo público deberán presentarse a través dos modelos normalizados establecidos ao efecto na páxina web. Poden presentarse se xeito telemático, a través da sede electrónica do Concello de Outes (<https://outes.sedelectronica.gal>), ou de xeito presencial no Rexistro do Concello de Outes (horario de 9:00 a 14:00 horas, de luns a venres).



As solicitudes de inscrición no campamento de verán 2025 só poderán realizarse mediante o modelo normalizado desde as 9:00 horas da data de inicio do prazo de presentación (luns 28 de abril) ata as 14:00 horas da data de finalización (luns 12 de maio).

As solicitudes entenderánse presentadas no rexistro onde figure cuberto o modelo de inscrición normalizado. **Deberán presentarse de xeito individual, unha solicitude de inscrición por cada menor ao que se lle asignará un número de rexistro.** No caso de máis dunha solicitude nun único rexistro éste só será válido para a inscrición do primeiro menor.

### **Documentación a achegar xunto coa ficha de inscrición:**

- Copia do DNI das persoas responsables da/o menor
- Copia do Libro de familia
- Tarxeta sanitaria da/o menor
- Declaración acreditativa dos criterios para a adxudicación das prazas: informe social, acreditación de familia monoparental, familia numerosa, vítima de violencia de xénero; certificación de empresa ou da institución correspondente así como outra documentación que xustifique ditos criterios
- Documentación relacionada cos datos de saúde da/o menor, de ser o caso
- Modelo firmado da ficha LOPD específica do Programa “Outes Concilia”

O persoal técnico responsable do servizo, unha vez analizadas e aceptadas as solicitudes, contactará coas persoas solicitantes para requirir a documentación complementaria ou adicional que se precise.

### **PRAZOS E CONDICIÓNES ESPECÍFICAS:**

**1. Dende as 9:00 horas da mañán do luns 28 de abril ata as 14:00 horas do 12 de maio de 2025:** Inscrición no campamento de verán no formulario establecido ao efecto.

**2. 27 DE MAIO:** Publicación na páxina web do Concello de Outes da listaxe provisional de admitidas/os e de agarda nas diferentes quendas do campamento

### **3. DO 28 DE MAIO ATA O DÍA 4 DE XUÑO:**

- A) Pago bancario do prezo público correspondente, de acordo ao establecido na ordenanza reguladora do programa “Outes Concilia” das persoas admitidas con praza na listaxe provisional publicada na páxina web. Pago que se formalizará conforme ao modelo informativo que figura na páxina web
- B) Presentación dos xustificantes de pago por correo electrónico [cimoutes@yahoo.es](mailto:cimoutes@yahoo.es)



- C) Presentación por rexistro/ sede electrónica das renuncias ás prazas que figuran na listaxe provisional de admisión por medio do modelo normalizado
- D) Presentación por rexistro/ sede electrónica das posibles reclamacións, alegacións á listaxe provisional de admisión por medio dunha instancia xeral

**4. 16 DE XUÑO:** Publicación na páxina web do Concello de Outes da listaxe definitiva de admitidas/os e listaxe de agarda nas diferentes quendas do campamento.

Na listaxe de agarda incluíranse as persoas que soliciten a alta no servizo con posterioridade á finalización do prazo.

As vacantes producidas serán ofertadas por orde, realizando tres chamamentos aos contactos telefónicos facilitados. De non obter resposta ou non cumprir os requisitos para o acceso á praza causarán baixa.

**5. 23 DE XUÑO:** comezo da primeira quenda do campamento de verán

## **6. RENUNCIA Á PRAZA E/OU SOLICITUDE DE DEVOLUCIÓN DO IMPORTE ABOADO.**

Con posterioridade a obtención da praza e aboado o prezo público correspondente só se terá dereito a devolución do mesmo nos seguintes casos:

### Devolución total da cota:

- Anulación da actividade ou non prestación do servizo por parte do Concello de Outes por causa non imputable á persoa solicitante
- Renuncia á praza adxudicada realizada no formulario establecido ao efecto por rexistro/sede electrónica con unha antelación mínima de 5 días hábiles ao comezo das quendas.
- Cando a persoa usuaria non poida utilizar o servizo por causas de forza maior (causa médica grave que afecte á persoa menor/ falecemento ou enfermidade grave de familiar hasta o segundo grado) que deberá acreditar cos documentos xustificativos que en cada caso correspondan
- Abandono da quenda por causa de forza maior (causa médica grave que afecte á persoa menor/ falecemento ou enfermidade grave de familiar hasta o segundo grado) que deberá acreditar cos documentos xustificativos que en cada caso correspondan sempre e cando non trascurran máis do 50% dos días de duración da mesma

### Devolución parcial da cota:



- Erros no importe aboado

Resultarán denegadas todas aquelas inscricións, renuncias e solicitudes de devolución de cotas non realizadas conforme ás normas e condicións específicas desta convocatoria.

Decae o dereito a praza nos supostos de incumprimento de prazos e condicións específicas da convocatoria.

Os modelos normalizados para realizar a inscrición, renuncia e solicitudes de devolución do importe aboado xunto co modelo informativo de pago estarán dispoñibles na sede electrónica o día de apertura do prazo de inscrición.

**Máis información CIM (Centro de Información á Muller do Concello de Outes) solicitando cita previa en horario de 9:00 ás 14:00 horas no número de teléfono 981850949, correo electrónico [cimoutes@yahoo.es](mailto:cimoutes@yahoo.es)**

**DOCUMENTO ASINADO ELECTRONICAMENTE.**

